



ӨВӨРХАНГАЙ АЙМАГ
АРВАЙХЭЭР СУМЫН
ИРГЭДИЙН ТӨЛӨӨЛӨГЧДИЙН ХУРЛЫН
ТЭРГҮҮЛЭГЧДИЙН ТОГТООЛ

2017 оны 02 сарын 09 өдөр

Дугаар 75

Арвайхээр

Г Арвайхээр сумын "Иргэдийн Төлөөлөгчдийн Хурал,
Тэргүүлэгчид, Засаг даргын харилцан ажиллах
журам"-ыг шинэчлэн батлах тухай

Монгол Улсын "Засаг захиргаа, нутаг дэвсгэрийн нэгж, түүний удирдлагын тухай" хуулийн 9 дүгээр зүйлийн 9.2 дахь заалт, 20 дугаар зүйлийн 20.1.14 дэх заалтыг тус тус үндэслэн Иргэдийн Төлөөлөгчдийн Хурлын Тэргүүлэгчдийн хуралдаанаас ТОГТООХ нь:

1. Арвайхээр сумын "Иргэдийн Төлөөлөгчдийн Хурал, Тэргүүлэгчид, Засаг даргын харилцан ажиллах журам"-ыг хавсралтаар баталсугай.
2. Журмыг сумын ИТХурлын Тэргүүлэгчдийн бүрэн эрхийн хугацаанд дагаж мөрдсүгэй.
3. Журмыг шинэчлэн батлагдсантай холбогдуулан сумын ИТХурлын Тэргүүлэгчдийн 2015 оны 09 дугаар сарын 09-ны өдрийн 42 дугаар тогтоолыг хүчингүй болсонд тооцсугай.

ДАРГА
Д.АМАРТУВШИН

Гурав. Сумын ИТХурал, Тэргүүлэгчдэд сумын Засаг даргын Тамгын газраас үйлчлэх талаар

- 3.1 Эдийн засаг, нийгмийн хөгжлийн талаархи статистикийн ба төвлөрсөн бус мэдээлэл судалгааг сар тутамд, шаардлагатай мэдээ, мэдээллийг тухайн үед нь гаргаж өгнө.
- 3.2 ИТХурал, Тэргүүлэгчдийн хуралдаанаар хэлэлцэж шийдвэр гаргах асуудалтай холбогдсон тооцоо, мэдээлэл, санал, дүгнэлтийг шаардлагатай үед нь гарган өгч байна.
- 3.3 ИТХурлын Төлөөлөгчдийн хуралдааны байр засах, техник хэрэгслээр хангах, байрлуулах ажлыг Хурлын ажлын албатай Засаг даргын Тамгын газар хамтран хариуцна.
- 3.4 ИТХурлын хуралдааны бэлтгэл хангах болон шийдвэрийг биелүүлэх ажилд туслалцаа үзүүлнэ. Хуралдаанаар хэлэлцэх асуудлаас хамаарч ажлын хэсэг томилж ажиллуулна. Тамгын газартай тохиролцон ажлын хэсэгт мэргэжлийн хүн ажиллуулж болно.
- 3.5 ИТХурал, Тэргүүлэгчдийн хуралдааны шийдвэрийг сурталчлах, хуралдаанаас гаргасан шийдвэрийн биелэлтийг холбогдох журмын дагуу мэдээлж байна.
- 3.6 Сумын ИТХурал, Тэргүүлэгчдийн ажлын албыг ажиллах нөхцөл бүрдүүлсэн ажлын байраар хангаж тохижуулна.
- 3.7 ИТХурлын бичиг хэрэг, шуудан холбооны үйлчилгээг стандартын дагуу шуурхай явуулна.
- 3.8 ИТХурлын архивын хадгаламжийн нэгж бүрдүүлэхэд холбогдох дүрэм, журмын дагуу арга зүйн зөвлөгөө өгч, хамтран ажиллана.



Сумын ИТХ-ын Тэргүүлэгчдийн Хуралдааны
2017 оны 01 дугаар сарын 09 -ны өдрийн
03 дугаар тогтоолын хавсралт

АРВАЙХЭЭР СУМЫН ИРГЭДИЙН ТӨЛӨӨЛӨГЧДИЙН ХУРАЛ,
ТЭРГҮҮЛЭГЧИД, ЗАСАГ ДАРГЫН ХАРИЛЦАН АЖИЛЛАХ ЖУРАМ

Нэг. Зорилго:

- 1.1 Сумын ИТХурал, Тэргүүлэгчид, Засаг даргаас харилцан хамтран ажиллах харилцааг зохицуулахад оршино. Энэхүү харилцааг Монгол Улсын "Үндсэн хууль"-ийн 4 дүгээр бүлгийн 57-63 дугаар зүйл, "Засаг захиргаа, нутаг, дэвсгэрийн нэгж, түүний удирдлагын тухай хууль"-ийн 1 дүгээр бүлгийн 3-6 дугаар зүйл, 2 дугаар бүлгийн 7-14, 16 дугаар зүйл, 3 дугаар бүлгийн 17, 18, 20-25 дугаар зүйл, 4 дүгээр бүлгийн 26, 27, 29, 31 дүгээр зүйл, 5 дугаар бүлгийн 33-37 дугаар зүйл, холбогдох хууль тогтоомжийг үндэслэв.
- 1.2 Сумын ИТХурал, Тэргүүлэгчид, Засаг даргын харилцааны үндсэн агуулга нь байгууллагын үйл ажиллагаанд харилцан дэмжлэг үзүүлэх, мэдээлэл солилцох, нутаг дэвсгэрийн ажил амьдрал, үйл ажиллагаагаа бие даан зохион байгуулж, иргэдийн эрх ашгийг хамгаалах, сум орон нутгийн онцлог байдлыг тусгасан хөгжлийн нэгдсэн бодлого, хөтөлбөрийг боловсруулан төрийн бодлоготой уялдуулан хэрэгжүүлэх, үр нөлөөтэй, идэвхтэй үйл ажиллагаа явуулахад оршино.

Хоёр. Сумын ИТХурал, Тэргүүлэгчид, Засаг даргын харилцан ажиллах талаар

- 2.1 Монгол Улсын хууль тогтоомж, Ерөнхийлөгчийн зарлиг, Засгийн газрын тогтоол, бусад шийдвэрийн талаар сумын ИТХурлын дарга, Засаг дарга, Засаг даргын орлогч, Тамгын газрын дарга, ИТХурлын Тэргүүлэгчдийн нарийн бичгийн дарга нар харилцан танилцана.
- 2.2 Монгол Улсын хууль тогтоомж, Ерөнхийлөгчийн зарлиг, Засгийн газрын тогтоол, бусад шийдвэрийн талаар сумын ИТХурлын дарга, Засаг дарга, Засаг даргын орлогч, Тамгын газрын дарга, ИТХурлын Тэргүүлэгчдийн нарийн бичгийн дарга нар харилцан танилцана.
- 2.3 Сумын ИТХурал, Тэргүүлэгчдээс гаргаж буй тогтоол, Засаг даргаас гаргаж буй захирамжийн төслийг шаардлагатай тохиолдолд урьдчилан бие биедээ танилцуулж, санал дүгнэлт авч байна.
- 2.4 Сумын Засаг даргаас гаргаж байгаа эдийн засаг, нийгмийн чухал ач холбогдолтой захирамж, бусад шийдвэрийг ИТХурлын даргад тухай бүрд нь танилцуулна.



- 2.5 ИТХурал, Тэргүүлэгчдийн хуралдааны товыг 7-гоос доошгүй хоногийн өмнө Засаг дарга болон Тамгын газарт мэдэгдэж байна.
- 2.6 Сумын ИТХурал, Тэргүүлэгчдийн хуралдаанаар тайлан, сонсгол, судалгаа, тооцоо, материал, тогтоолын төслийг хуралдаан эхлэхээс 2 хоногийн өмнө Тамгын газар ИТХурлын Ажлын албанд өргөн барьж байна.
- 2.7 ИТХурлын Тэргүүлэгчдийн хуралдаанд асуудал оруулж буй албан тушаалтан бэлтгэлийг сайтар хангаж, сонсгол, мэдээллийг Засаг дарга, Тамгын газрын даргаар урьдчилан хянуулж, баталгаажуулан Хурлын ажлын албанд ирүүлнэ.
- 2.8 Сумын Засаг даргын зөвлөлийн хуралдаанд “Сумын Засаг даргын зөвлөлийн ажиллах журам”-ын дагуу ИТХурлын дарга /зөвшилцсөнөөр/ хуралдаанд оролцоно.
- 2.9 Сумын ИТХурал, Тэргүүлэгчид, Засаг даргын Тамгын газрын ажлын уялдаа холбоог сайжруулах зорилгоор жил, улирлын төлөвлөгөөг эцэслэн боловсруулах ажлыг ИТХурлын Тэргүүлэгчдийн нарийн бичгийн дарга, Засаг даргын Тамгын газрын дарга нар тус тусын чиглэлээр хариуцан зохион байгуулна.
- 2.10 ИТХурлын дарга, Тэргүүлэгчдийн нарийн бичгийн дарга, Засаг дарга, Тамгын газрын дарга нар нь цаг үеийн болоод цаашид гүйцэтгэх ажлын талаар харилцан мэдээлж, санал солилцож байна.
- 2.11 Сумын ИТХурал, Тэргүүлэгчид иргэдийн ажил амьдрал, санал хүсэлтийг судлан үзэж, цаашид авах арга хэмжээний талаар Засаг даргын Тамгын газарт санал, дүгнэлтээ тухай бүр илэрхийлж байх ба ямар арга хэмжээ авч хэрхэн шийдвэрлэсэн талаар үүрэг авсан албан тушаалтан эргэж заасан хугацаанд мэдээлж байна.
- 2.12 ИТХурал болон Тэргүүлэгчдээс хугацаа зааж гаргасан шийдвэрийн биелэлтийг тухайн хугацаанд нь холбогдох албан тушаалтан тайлагнах ажлыг хэвшүүлнэ.
- 2.13 Аймаг, сумын ИТХурлын болон Тэргүүлэгчдийн тогтоол, Засаг даргаас гаргасан захирамжийг сурталчлах, хэрэгжүүлэх ажлыг ЗДТГазар зохион байгуулж хэрэгжилтийг Засгийн газрын 2013 оны 322 дугаар тогтоол, аймгийн ИТХурлын Тэргүүлэгчдийн 2014 оны 38 дугаар тогтоол, сумын ИТХурлын Тэргүүлэгчдийн 2015 оны 37 дугаар Засгийн газрын 2013 оны 322 дугаар тогтоол, аймгийн ИТХурлын Тэргүүлэгчдийн 2014 оны 38 дугаар тогтоол, сумын ИТХурлын Тэргүүлэгчдийн 2015 оны 37 дугаар тогтоолын дагуу харилцан мэдээлнэ.
- 2.14 Орон нутгийн засаг захиргааны болон харьяа төсвийн байгууллагуудын боловсон хүчнийг сонгон томилоходоо сумын Засаг дарга нь сумын ИТХурлын даргад тухай бүр танилцуулж байна.